

四庫全書

子部

欽定四庫全書

子部

鍼灸甲乙經卷七

詳校官太醫院吏目臣吳尊璽

編修臣倉聖脈覆勘

總校官進士臣朱鈐

校對官助教臣羅萬選

謄錄監生臣戴宗槐

欽定四庫全書

鍼灸甲乙經卷七

晉 皇甫謐 撰

六經受病發傷寒熱病第一 上

黃帝問曰夫熱病者皆傷寒之類也或愈或死其死皆以六七日之間其愈皆以十日已上者何也岐伯對曰太陽者諸陽之屬也其脈連於風府故為諸陽主氣人之傷於寒也則為病熱熱雖甚不死其兩感於寒而病

者必不免於死矣 傷寒一日太陽受之故頭項痛腰

脊背強

素問無背字

二日陽明受之陽明主肉其脈俠鼻

絡於目故身熱目痛而鼻乾不得卧 三日少陽受之

少陽主骨

素問作膽

其脈循脇絡於耳故脅痛而耳聾三

陽

素問下有經絡二字

皆受病而未入於府

素問作藏

者故可汗而已

四日太陰受之太陰脈布胃中絡於嗌故腹滿而嗌

乾 五日少陰受之少陰脈貫腎絡肺繫舌本故口燥

舌乾而渴 六日厥陰受之厥陰脈循陰器而絡於肝

故煩滿而囊縮三陰三陽五藏六府皆受病營衛不行
五藏不通則死矣其不兩感於寒者七日太陰病衰頭
痛少愈 八日陽明病衰身熱少愈 九日少陽病衰

耳聾微聞 十日太陰病衰腹減如故則思飲食 十

一日少陰病衰渴止

素問下有
不滿二字

舌乾乃已 十二日厥

陰病衰囊縱少腹微下大氣皆下其病日已矣治之各
通其藏脈病日衰已矣其未滿三日者可汗而已其滿
三日者可泄而已 曰熱病已愈時有所遺者何也曰

諸遺者熱甚而強食故有所遺若此者皆病已衰而熱有所藏因其穀氣相薄兩熱相合故有所遺治遺者視其虛實調其逆順可使立已病熱少愈食肉則復多食則遺此其禁也 其兩感於寒者一日太陽與少陰俱病則頭痛口乾煩滿 二日陽明與太陰俱病則腹滿身熱不欲食譫語 三日少陽與厥陰俱病則耳聾囊縮而厥水漿不入不知人者故六日而死矣

曰五藏已傷六府不通營衛不行如是後三日乃死何

也曰陽明者十二經脈之長其血氣盛故不知人三日其氣乃盡故死

肝熱病者小便先黃腹痛多卧身熱熱爭則狂言及驚

胷中

素問無胷中二字

脇滿痛手足蹠不得安卧庚辛甚甲乙

大汗氣逆則庚辛死刺足厥陰少陽其逆則頭疼貢貢

素問作貢字

脈引衝頭痛也

心熱病者先不樂數日乃熱熱爭則心煩悶

素又有卒心痛三字

善嘔頭痛面赤無汗壬癸甚丙丁大汗氣逆則壬癸死

刺手少陰太陽

脾熱病者先頭重頰痛煩心

素下有頰青二字

欲嘔身熱熱爭

則腰痛不可用俛仰腹滿泄兩額

一本作額

痛甲乙甚戊己

大汗氣逆則甲乙死刺足太陰陽明

肺熱病者先悽悽然厥起皮毛惡風寒舌上黃身熱熱

爭則喘咳痛走胷膺背不得大息頭痛不甚

素作堪

汗出

而寒丙丁甚庚辛大汗氣逆則丙丁死刺手太陰陽明

出血如大豆立已

腎熱病者先腰痛肝疲苦渴數飲身熱熱爭則項痛而
強肝寒且疲足下熱不欲言其逆則項痛員員素問下有澹澹
二然戊己甚壬癸大汗氣逆則戊己死刺足少陰太陽
諸當汗者至其所勝日汗甚

肝熱病者左頰先赤 心熱病者顏頤先赤 脾熱病
者鼻先赤 肺熱病者右頰先赤 腎熱病者頤先赤
病雖未發者見赤色者刺之名曰治未病熱病從部所
起者至期而已其刺之反者三周而已重逆則死 諸

治熱病先飲之寒水乃刺之必寒衣之居止寒處身寒
而止病甚者為五十九刺 熱病先胸脇痛滿手足躁
刺足少陽補足太陰病甚者為五十九刺 熱病先身
重骨痛耳聾好暝刺足少陰病甚者為五十九刺 熱
病先眩冒而熱胃脇滿刺足少陰少陽太陽之脈色榮
顴骨熱病也榮未天素問作未
交下同曰今且得汗待時自己
與厥陰脈爭見者死其死不過三日 熱病氣內連腎
少陽之脈色榮顴前熱病也榮未天曰今且得汗待時

自己與手少陰脈爭見者死其死不過三日 其熱病
氣穴三椎下間主胸中熱四椎下間主胃中熱五椎下
間主肝熱六椎下間主脾熱七椎下間主腎熱榮在骶
也項上三椎骨陷者中也頰下逆頤為大瘕下牙車為
腹滿頤後為脇痛頰上者鬲上也

冬傷於寒春必溫病夏傷於暑秋必病瘧 凡病傷寒
而成溫者先夏至日者為病溫後夏至日者為病暑暑
常與汗皆出勿止所謂玄府者汗孔也

曰刺節言徹衣者盡刺諸陽之奇俞未有常處願卒聞之曰是陽氣有餘而陰氣不足陰氣不足則內熱陽氣有餘則外熱兩熱相薄熱於懷炭衣熱不可近身身熱不可近席腠理閉塞而不汗舌焦唇稿黃帝古針經作稿噤乾欲飲取天府大杼三脘刺中膻以去其熱補手足太陰以去其汗熱去汗晞疾於徹衣

八十一難曰陽虛陰盛汗出而愈下之即死陽盛陰虛

汗出而死下之即愈

與經乖錯於義反倒不可用也

曰人有四肢熱逢風寒如炙如火者何也曰是人陰氣虛陽氣盛四肢熱者陽也兩陽相得而陰氣虛少少水不能滅盛火而陽氣獨治獨治者不能生長也獨盛而止耳故逢風如炙如火者是人當肉爍也

曰人身非常溫也非常熱也而煩滿者何也曰陰氣少陽氣勝故熱而煩滿

曰足太陰陽明為表裏脾胃脈也生病異者何也曰陰陽異位更實更虛更逆更順或從內或從外所從不同

故病異名陽者天氣也主外陰者地氣也主內陽道實陰道虛故犯賊風虛邪者陽受之則入府食飲不節起居不時者陰受之則入藏入六府則身熱不得眠上為喘呼入五藏則臍滿閉塞下為飧泄久為腸澼故喉主天氣咽主地氣故陽受風氣陰受濕氣故陰氣從上行至頭而下行循臂至指端陽氣從手上行至頭而下行至足故曰陽病者上行極而下陰病者下行極而上故傷於風者上先受之傷於濕者下先受之也

六經受病發傷寒熱病第一 中

黃帝問曰病熱有所痛者何也岐伯對曰病熱者陽脈
也以三陽之盛也人迎一盛在少陽二盛在太陽三盛
在陽明夫陽入於陰故病在頭與腹乃臍脹而頭痛也
曰病身熱汗出而煩滿不解者何也曰汗出而身熱
者何也汗出而煩滿不解者厥也病名曰風厥太陽為
諸陽主氣素問作巨陽主氣故先受邪少陰其表裏也得熱則
上從上從則厥治之表裏刺之飲之服湯曰溫病汗

出輒復熱而脈躁疾者不為汗衰狂言不能食病名曰何曰名曰陰陽交交者死人所以汗出者皆生於穀穀生於精今邪氣交爭於骨肉而得汗者是邪退精勝精勝則當能食而不復熱復熱者邪氣也汗者精氣也今汗出而輒復熱者是邪勝也不能食者精無裨也熱而留者壽可立而傾也夫汗出而脈躁盛者死今脈不與汗相應此不勝其病其死明矣狂言者是失志失志者死此有三死不見一生雖愈必死 病風且寒且熱是

汗出一日數次先刺諸分理絡脈汗出且寒且熱三日
一刺百日而已

曰何謂虛實曰邪氣盛則實精氣奪則虛重實者內

素問

言太熱病氣熱脈滿是謂重實 曰經絡俱實何如曰

經絡皆實是寸脈急而尺緩也皆當俱治故曰滑則順

濇則逆夫虛實者皆從其物類治

素問
作始

故五藏骨肉滑

利可以久長寒氣暴上脈滿而實實而滑順則生實而

逆則死盡滿者脈急大堅尺滿

一作
濇

而不應也如是者

順則生逆則死所謂順者手足溫所謂逆者手足寒也
曰何謂重虛曰脈虛氣虛尺虛是謂重虛也所謂氣
虛者言無常也尺虛者行步惛然也脈虛者不象陰也
如此者滑則生濇則死氣虛者肺虛也氣逆者足寒也
非其時則生當其時則死餘藏皆如此也脈實滿手足
寒頭熱一作痛者春秋則生冬夏則死脈浮而濇濇而身
有熱者死絡氣不足經氣有餘者脈口熱而尺寒秋冬
為逆春夏為順治主病者經虛絡滿者尺熱滿脈口寒

瀉春夏死秋冬生絡滿經虛灸陰刺陽經滿絡虛刺陰
灸陽

曰秋冬無極陰春夏無極陽者何謂也曰無極陽者春
夏無數虛陽明陽明虛則狂無極陰者秋冬無數虛太
陰太陰虛則死 春亟治經絡夏亟治經俞秋亟治六
府冬則閉塞治用藥而少鍼石所謂少鍼石者非癰疽
之謂也

熱病始手臂者先取手陽明太陰而汗出始頭首者先

取項太陽而汗出始足脛者先取足陽明而汗出臂太

陰

靈樞
作陽

可出汗足陽明可出汗取陰而汗出甚者止之

陽取陽而汗出甚者止之陰振寒慄慄鼓頷不得汗出

腹脹煩悶取手太陰

熱病三日氣口靜人迎躁者取

之諸陽五十九刺以寫其熱而出其汗實其陰以補其

不足身熱甚陰陽皆靜者勿刺之其可刺者急取之

不汗則泄所謂勿刺皆有死徵也熱病七日八日脈

口動喘而眩者急刺之汗且自出淺刺手大指間熱

病七日八日脈微小病者溲血口中乾一日半而死脈

代者一日死

熱病已得汗而脈尚躁

一本作盛

喘且復熱

勿庸

一本作膚

刺喘盛者必死

熱病七日八日脈不躁不

散數後三日中有汗三日不汗四日死未汗勿庸刺

熱病先膚痛室鼻充面取之皮以第一鍼五十九刺苛

鼻乾

靈樞作診鼻乾

索於皮肺不得索之於火火者心也

熱

病先身濇煩而熱煩悶唇嗑乾取之皮以第一鍼五十

九刺熱病膚脹口乾寒汗出索脈于心不得索之於

水水者腎也 熱病嗌乾多飲善驚卧不能安取之膚

肉以第六鍼五十九刺目眦赤

靈樞作青

索肉於脾不得索

之於木木者肝也

熱病而胸脇痛

靈樞作面青胸痛

手足躁

取之筋間以第四鍼鍼於四逆筋蹇目浸索筋於肝不

得索之於金金者肺也

熱病數驚瘈瘲而狂取之脈

以第四鍼急寫有餘者癰疾毛髮去索血於心不得索

之於腎腎者水也

熱病身重骨痛耳聾好暝取之骨

以第四鍼五十九刺骨病不食齧齒耳青赤索骨於腎

不得索之於土土者脾也 熱病不知所病耳聾不能

自收口乾陽熱甚陰頗有寒者熱在髓也死不治 熱

病頭痛顛顛目脈緊

一本作瘕

善衄厥熱病也取之以第三

鍼視有餘不足

寒熱痔

一作痛

熱病體重腸中熱取之

以第四鍼於其俞及下諸指間索氣於胃絡得氣也

熱病俠臍急痛胸脇滿取之湧泉與陰陵泉以第四鍼

鍼臍裏 熱病而汗且出及脈順可汗者取魚際太淵

大都太白寫之則熱去補之則汗出汗出太甚取內踝

上橫脈以止之 熱病已得汗而脈尚躁盛者此陰脈

之極也死其得汗而脈靜者生 熱病脈常躁盛而不

得汗者此陽脈之極也死其脈躁盛得汗而脈靜者生

厥俠脊而痛主頭項凡几目眈眈然腰脊強取足太

陽腧中血絡嗑乾口熱如膠取足少陽

此條出素問刺腰痛篇宜在後

刺腰痛內

熱病死候有九一曰汗不出大顴發赤者死

素太

云汗不出大顴發赤者必不反而死

二曰泄而腹滿甚者死 三曰目

不明熱不已者死 四曰老人嬰兒熱而腹滿者死

五曰汗不出嘔血靈樞作嘔下血者死 六曰舌本爛熱不已

者死 七曰欬而衄汗出出不至足者死 八曰髓熱

者死 九曰熱而瘥者死熱而瘥者腰反折痠癢齒噤
斷也凡此九者不可刺也

所謂五十九刺者兩手內外側各三凡十二瘡五指間

各一凡八瘡足亦如是頭入髮際一寸傍三分靈樞無分字

各三凡六瘡更入髮際三寸邊五凡十瘡耳前後口下

靈樞作已下者各一項中一凡六瘡顛上一顛會一髮際一

廉泉一風池二天柱二

甲乙經原缺此穴今按靈樞經大補之

素問曰五十九者頭上五行五行者以越諸陽之熱逆也
大杼膺俞缺盆背椎此八者以寫胃中之熱一作氣

衝三里巨虛上下廉此八者以寫胃中之熱雲門髃骨

委中髓空此八者以寫四肢之熱五藏俞傍五此十者

以寫五藏之熱凡此五十九者皆熱之左右也

按二經雖不同

皆寫熱之

要穴也

頭腦中寒鼻衄目泣出神庭主之

千金作寒熱頭痛

頭痛身

熱鼻塞喘息不利煩滿汗不出曲差主之 頭痛目眩

頸項強急脅脇相引不得傾側本神主之 熱病

千金下有

煩滿二字汗不出上星主之先取諶譚後取天牖風池 熱

病汗不出而苦嘔煩心承光主之 頭項痛重暫起僵

仆鼻塞歔歔喘息不得通通天主之 頭項惡風汗不

出悽厥惡寒嘔吐目系急痛引頰頭重項痛玉枕主之

頰清

千金作妄嚙視

不得視口沫泣出兩目眉頭痛臨泣主

之 腦風頭痛惡見風寒歔歔鼻塞喘息不通承靈主

之頭痛身熱引兩頷急一作痛腦空主之醉酒風熱

發兩角

一作兩目

眩痛不能飲食煩滿嘔吐率谷主之

千金以此

條置風門

項強刺瘖門

熱病汗不出天柱及風池商陽

闕衝掖門主之頸痛項不得顧目泣出多眵眦鼻鼽

衄目內眦赤痛氣厥耳目不明咽喉僂引項筋攣不收

風池主之傷寒熱盛煩嘔大椎主之頭重目瞑僂

厥寒熱汗不出陶道主之身熱頭痛進退往來神道

主之頭痛如破身熱如火汗不出痲癢

千金作頭痛

寒熱

汗不出惡寒裏急腰腹相引痛命門主之 頸項痛不

可以俛仰頭痛振寒痠癢氣實則脇滿俠脊有并氣熱

汗不出腰背痛大杼主之 風眩頭痛鼻不利時嚏清

涕自出風門主之 悽悽振寒數欠伸鬲腧主之 熱

病汗不出上竅及孔最主之

千金作臂厥熱病汗不出皆灸刺之此穴可以出汗

肩髃間急悽厥惡寒臑戶主之 項背痛引頸腧戶

主之 肩痛胸腹滿悽厥脊背急強神堂主之 喘逆

勦衄肩甲內廉痛不可俛仰肘脇引少腹而痛脹噫

嘻主之

背痛惡寒脊強俯仰難食不下嘔吐多涎

俞主之

千金作陽關

熱病頭痛身重懸顙主之 胸脇脹

滿背痛惡風寒飲食不下嘔吐不留住魂門主之 善

嚏頭痛身熱頤厭主之 熱病頭痛引目外眥而急煩

滿汗不出引頤齒面赤皮痛懸釐主之 熱病偏頭痛

引目外眥懸釐主之 頭自腫子痛不可以視挾項強

急不可以顧陽白主之 頭風痛鼻鼽衄眉頭痛善嚏

目如欲脫汗出寒熱面赤煩中痛項椎不可左右顧目

系急痰癰攢竹主之 寒熱悽厥鼓頷承漿主之 身

熱痛胃脇痛不可反側顙息主之 肩背痛寒熱瘰癧

遶頸有大氣暴聾氣蒙瞽耳目不開頭頷痛淚出鼻衄

不得息不知香臭風眩喉痺天牖主之 熱病胃中澹

澹腹滿暴痛恍惚不知人手清少腹滿

千金作
心腹

瘕瘕心

痛氣滿不得息巨闕主之 頭眩病身熱汗不出

千金
作煩

滿汗
不出上腕主之 身寒熱陰都主之 熱病象瘕振慄

鼓頷腹脹脾睨喉中鳴少商主之 寒厥及熱煩心少

氣不足以息陰濕癢腹痛不可以食飲肘攣支滿喉中
焦乾渴魚際主之 熱病振慄鼓頤腹滿陰萎欬引尻
溺出虛也鬲中虛食飲嘔身熱汗不出數唾血下肩背
寒熱脫色目泣出皆虛也刺魚際補之 病溫身熱五
日已上汗不出刺太淵留鍼一時取之若未滿五日禁
不可刺也 熱病先手臂痠痠唇口聚鼻張目下汗出
如轉珠兩乳下二寸堅脇滿悸列缺主之

六經受病發傷寒熱病第一 下

振寒瘕癢手不伸咳嗽唾濁氣鬲善嘔鼓頤不得汗煩

滿

千金作
身心痛

因為癢衄尺澤主之左室刺右右室刺左

兩脇下痛嘔泄上下出胃滿短氣不得汗補手太陰以

出之熱病煩心心悶而汗不出掌中熱心痛身熱如

火浸淫煩滿舌本痛中衝主之

千金作
天竅

熱病發熱煩

滿而欲嘔噦三日以往不得汗怵惕胃脇痛不可反側

欬滿溺赤大便

千金作
小便

血衄不止嘔吐血氣逆噫不止

噎中痛食不下善渴舌中爛掌中熱飲嘔勞宮主之

熱病煩心而汗不止肘攣掖腫善笑不休心中痛目赤
黃小便如血欲嘔胸中熱苦不樂太息喉痺嗑乾喘逆
身熱如火頭痛如破短氣胸痛太陵主之 熱病煩心

善嘔胸中澹澹善動而熱間使主之 面赤皮熱熱病

汗不出中風熱目赤黃肘攣掖腫實則心暴痛虛則煩
心心惕惕不能動失智內關主之 心澹澹然善驚身

熱煩心口乾手清逆氣嘔

千金作噪

血時痰善搖頭顏青汗

出不過肩傷寒溫病曲澤主之 多卧善唾鼻鼾痛寒

鼻衄赤多血浸淫起面身熱喉痺如哽目眦傷忽振寒

肩痛二間主之

鼻衄血熱病汗不出髓

迷音

目目痛瞑

頭痛齟齬痛泣出厥逆頭痛胸滿不得息陽谿主之

熱病腸辟臍肘臂痛虛則氣鬲滿有

一作手

不舉溫留主

之傷寒餘熱不盡曲池主之

頭痛振寒清冷淵主

之頭痛項背急消灤主之

振寒小指不用寒熱汗

不出頭痛喉痺舌卷小指之間熱口中熱煩心心痛臂

溜廉及脇痛聾咳痰癢口乾頭痛不可顧少澤主之

振寒寒熱肩膈肘臂痛頭不可顧煩滿身熱惡寒目赤
痛背爛生翳膜暴痛軌衄發聾臂重痛肘攣痂疥胷中
引膈泣出而驚頸項強身寒頭不可以顧後谿主之

熱病寒不出胸痛不得息頷腫寒熱耳鳴聾無所聞陽
谷主之 泄風汗出腰項急不可以左右顧及俛仰肩
弛肘廢目痛痂疥生疣瘕癰頭眩目痛陽谷主之 振
寒熱頸項腫實則肘攣頸項痛狂易虛則生疣小者痂
疥支正主之 風眩頭痛少海主之 氣喘熱病衄不

止煩心善悲腹脹逆息熱氣足脛中寒不得卧氣滿胸
中熱暴泄仰息足下寒中悶嘔吐不欲食飲隱白主之
熱病汗不出且厥手足清暴泄心痛腹脹心尤痛甚
此胃心病也大都主之并取隱白腹滿善嘔煩悶此皆
主之 熱病先頭重額痛煩悶身熱熱爭則腰痛不可
以俛仰胃滿兩額痛甚善泄饑不欲食善噫熱中足清
腹脹食不化善嘔泄有膿血若嘔無所出先取三里後
取太白章門主之 熱病滿悶不得卧

千金云不得卧
身重骨痛不相

知太白金主之

熱中少氣厥陽寒灸之熱去

千金作煩灸湧泉

心不嗜食欬而短氣善喘喉痺身熱脊脇相引忽忽善忘湧泉主之 熱痛煩心足寒清多汗先取然谷後取

大谿大指間動脈皆先補之

目痛引背少腹偏痛背

一作脊

偃瘕癰視昏嗜卧照海主之寫左陰蹻取足左右

少陰前先知陰蹻後刺少陰氣在橫骨上 熱病汗不

出默默嗜卧溺黃少腹熱噎中痛腹脹內腫漾

音延心痛

如錐鍼刺太谿主之 手足寒至節喘息者死 熱病

刺然谷

千金作
陷谷

足先寒寒上至膝乃出鍼

善齧頰齒

唇熱病汗不出口中熱痛衝陽主之胃脘痛時寒熱皆

主之熱病汗不出善噫腹脹滿胃熱譫語解谿主之

厥頭痛面浮腫煩心狂見鬼善笑不休發於外有所大

喜喉痺不能言豐隆主之陽厥悽悽而寒少腹堅頭

痛脰股腹痛消中小便不利善嘔三里主之脇痛欬

逆不得息竅陰主之及爪甲與肉交者左取右右取左

立已不已復取

手足清煩

一作
脈

熱汗不出手肢轉筋

頭痛如錐刺之循熱不可以動動益煩心喉痺舌卷乾
臂內廉不可及頭耳聾鳴竅陰皆主之 膝外廉痛熱
病汗不出目外眥赤痛頭眩兩頷痛寒逆泣出耳鳴聾
多汗目癢胸中痛不可反側痛無常處俠谿主之

逆喘氣滿風身汗出而清髕髀中痛不可得行足外
皮痛臨泣主之 目視不明振寒目翳瞳子不見腰兩
脇痛脚痠轉筋丘墟主之 身懈寒少氣熱甚惡人心
惕惕然取飛揚及絕骨跗下臨泣立已淫灤脰痠熱病

汗不出皆主之 頭重鼻衄及瘕癰汗不出煩心足下
熱不欲近衣項痛目翳鼻及小便皆不利至陰主之

身疼痛善驚互引鼻衄通谷主之 暴病頭痛身熱痛

肌肉動耳聾惡風目眦爛赤項不可以顧髀樞痛泄腸

癖束骨主之 衄衄血不止淫瀝頭痛目白翳跟尻瘕

頭項腫痛泄注上搶心目亦眦爛無所見痛從內眦始

千金作醫從內眦始腹滿頸項強腰脊不可俛仰眩心痛肩背相

引如從後觸之狀身寒從脰起京骨主之 下部寒熱

病汗不出體重逆氣頭眩飛揚主之
魛衄腰脊脚膻
痠重戰慄不能久立膈如裂脚跟急痛足攣引少腹痛
喉咽痛大便難腹脹承山主之
熱病俠脊痛委中主之
之

足陽明脈病發熱狂走第二

黃帝聞曰足陽明之脈病惡人與火聞木音則惕然而
驚欲獨閉戶牖而處願聞其故岐伯對曰陽明者胃脈
也胃土也聞木音而驚者土惡木也陽明主肌肉其血

氣盛邪客之則熱熱甚則惡火陽明厥則喘悶悶則惡

人陰陽相薄陽盡陰盛故欲獨閉戶牖而處

按陰陽相薄至此本

素問脈解篇士安移續於此

曰或喘而生者或喘而死者何也曰

厥逆連藏則死連經則生 曰病甚則棄衣而走登高

而歌或至不食數日踰垣上屋非其素所能病反能者

何也曰陰陽爭而外并於陽

此八字亦素問脈解篇文

邪盛則四肢

實實則能登高而歌 熱盛於身故棄衣而欲走 陽

盛故妄言罵詈不避親疎 大熱遍身故狂言而妄見

妄聞視足陽明及大絡取之虛者補之血如實者寫之
因令偃卧居其頭前以兩手四指按其頸動脈久持之
卷而切推之下至缺盆中復止如前熱去乃已此所謂
推而散之者也身熱狂走譫語見鬼瘕癡身柱主之

狂妄言怒惡火善罵詈巨闕主之 熱病汗不出鼻衄

眈眈仆而浮腫足脛寒不得卧振寒惡人與木音喉痺
齟齬惡風鼻不利多善驚厲兌主之 四厥手足悶者

使人久持之厥熱

一本作
逆冷

脛痛腹脹皮痛善伸數欠惡

人與木音振寒噤中引外痛熱病汗不出下齒痛惡寒
目急喘滿寒慄斷口噤僻不嗜食內庭主之 狂歌妄
言怒惡人與火罵詈三里主之

陰衰發熱厥陽衰發寒厥第三

黃帝問曰厥之寒熱者何也岐伯對曰陽氣衰於下則
為寒厥陰氣衰於下則為熱厥 曰熱厥必起於足下
者何也曰陽氣起於足五指之表陰脈者集於足下而
聚於足心故陽勝則足下熱 曰寒厥必起於五指而

上於膝者何也曰陰氣起於五指之裏集於膝下而聚於膝上故陰氣盛則從五指至膝上寒其寒也不從外皆從內 曰寒厥何失而然也曰厥寒者衆筋之所聚

素問作前陰者宗筋之所聚也太陰陽明之所合春夏則陽氣多而陰

氣少秋冬則陰氣盛而陽氣衰此人質壯以秋冬奪於所用下氣上爭不能復精氣溢下邪氣從而上之所中

素問所中二字作氣因於中陽氣衰不能滲營其經絡陽氣日損陰

氣獨在故手足為之寒 曰熱厥何如曰酒入於胃則

絡脈滿而經脈虛脾主為胃行其津液者也陰氣虛則陽氣入陽氣入則胃不和胃不和則精氣竭精氣竭則不榮其四肢此人必數醉若飽以入房氣聚於脾中不得散酒氣與穀氣相薄熱遍於身內熱而溺赤夫酒氣盛而慄悍腎氣日衰陽氣獨盛故手足為之熱 曰厥或令人腹滿或令人暴不知人或至半日遠至一日乃知人者何謂也曰陰氣盛於上則下虛下虛則腹滿腹滿素問腹滿二字則下氣重上而邪氣逆逆則陽氣亂作陽氣盛於上

陽氣亂則不知人矣 太陽之厥則腫首頭重足不能
行發為眩仆 陽明之厥則癰疾欲走呼腹滿不得卧
面赤而熱妄見妄言 少陽之厥則暴聾頰腫而熱脇
痛齬不可以運 太陰之厥則腹滿臌脹後不利不欲
食食則嘔不得卧 少陰之厥則舌乾溺赤腹滿心痛
厥陰之厥則少腹腫痛臌脹溼洩不利好卧屈膝陰
縮齬內熱盛則寫之虛則補之不盛不虛以經取之
請言解論與天地相應四時相副人參天地故可為解

下有漸如上生蒲葦此所以知氣形之多少也 陰陽

者寒暑也熱則滋雨而在上根莖

靈樞作黃

少汁人氣在外

皮膚緩腠理開血氣盛汗大泄皮淖澤寒則地凍水冰
人氣在中皮膚緻腠理閉汗不泄血氣強皮堅濇當是
之時善行水者不能往水善窮地者不能鑿凍夫善用
鍼者亦不能取四逆血脈凝結堅搏不往來亦不可即
柔故行水者必待天溫水釋窮地者必待凍解而後地
可窮人脈猶是治厥者必先熨火以調和其經掌與腋

欽定四庫全書

鍼灸甲乙經
卷七

十四

肘與脚項與脊以調其氣大道已通血脈乃行後視其
病脈淖澤者刺而平之堅緊者破而決之氣乃下止此
所謂解結用鍼之類在於調氣氣積於胃以通營衛各
行其道宗氣留積在海其下者注於氣衝上行者注於
息道故厥在足宗氣不下脈中之血凝而留止弗之火
調鍼弗能取用鍼者必先察其經絡之虛實切而循之
按而彈之視其應動者乃後取而下之六經調者謂之
不病雖病謂之自己一經上實下虛而不通者此必有

橫絡盛加於大經令之不通視而寫之通而決之是所謂解結者也上寒下熱先刺其項太陽久留之已刺則火熨項與肩胛令熱下合一本作冷乃上所謂推而止之者也上熱下寒視其虛脈而陷下於經絡者取之氣下而止所謂引而下之者也

刺熱厥者留鍼反為熱 刺熱厥者二陰一陽刺寒厥者一陰二陽所謂二陰者二刺陰所謂二陽者二刺陽熱厥取太陰少陽 寒厥取陽明少陰於足留之

厥胸滿面腫者肩中熱暴言難甚則不能言取足陽明
厥氣走喉而不言手足微滿清大便不利取足少陰
厥而腹膨膨多寒氣腹中澼澼音最九
壚作榮便澁難取足
太陰 厥逆為病足暴清胃中若將裂腹脹若以刀切
之臍而不食脈大皆濇緩取足少陰清取足陽明清則
補之溫則寫之 厥逆腹滿脹腸鳴胸滿不得息取之
下胷三肋間欬而動應手者與背俞以指按之立快
足厥喘逆足下清至膝湧泉主之

太陽中風感於寒濕發症第四

熱病而症者腰反折痠癢齒噤斷

張仲景曰太陽病其証備其身體強几几然脈反沉遲者此為症 夫症脈來按之築築而弦直上下行 剛症為病胃滿口噤卧不著席脚攣急其人必斷齒 病發熱脈沉細為症 症家其脈伏堅直上下 太陽病發熱無汗惡寒此為剛症 太陽病發熱汗出不惡寒此為柔症 太陽中濕病症其脈沉與筋平 太陽病

無汗小便少氣上衝胸口噤不能語欲作剛瘧然剛瘧
太陽中風感於寒濕者也其脈往來進退以沉遲細異
於傷寒熱病其治不宜發汗鍼灸為嘉治之以藥者可
服葛根湯

風瘧身反折先取太陽及膈中及血絡出血 瘧中有
寒取三里 瘧取之陰蹻及三毛上及血絡出血 瘧
取顙會百會及天柱鬲俞上闕光明主之 瘧目不眴
刺腦戶 瘧脊強反折瘧癰疾頭重五處主之 瘧

互引善驚太衝主之 瘕反折心痛形氣短尻臑瀦小
便黃閉長強主之 瘕脊強互引惡風時振慄喉痺大
氣滿喘胸中鬱鬱氣熱眈眈項強寒熱僵仆不能久立
煩滿裏急身不安席大椎主之 瘕筋痛急互引肝俞
主之 熱瘕脾俞及腎俞主之 熱瘕互引汗不出反
折尻臂內痛似痺瘧狀膀胱俞主之 瘕反折互引腹
脹掖攣背中怏怏引脇痛內引心中脊內肺俞主之又
刺陽明從項而數背椎俠脊脊而痛按之應手者刺之

尺澤三痛立已 瘧互引身熱然谷譴譎主之 瘧反
目憎風刺絲竹空主之 瘧互引唇吻強兌端主之
瘧煩滿斷交主之 瘧口噤互引口乾小便赤黃或時
不禁承漿主之 瘧口噤大迎主之 瘧不能言翳風
主之 瘧先取太谿後取太倉之原主之 瘧脊強裏
臑腹中拘痛水分主之 瘧脊強口不開多唾大便秘
石關主之 瘧脊強反折京門主之 瘧腹大堅不得
息期門主之 瘧上氣魚際主之 瘧互引腕骨主之

熱病汗不出善嘔苦瘥身反折口噤善鼓頷腰痛不
可以顧顧而有似拔者善悲上下取之出血見血立已
瘥身反折口噤喉痺不能言三里主之瘥驚互引
脚如結胸如裂束骨主之瘥目反白多鼻不通利涕
黃更衣一本作便去血京骨主之瘥脊強項眩通脚如結胸
如裂崑崙主之瘥互折飛揚主之

陰陽相移發三瘥第五

黃帝問曰夫瘥疾皆生於風其以日作以時發者何也

岐伯對曰瘧之始發先起於毫毛久伸乃作寒慄鼓頷
腰脊俱痛寒去則內外俱熱頭痛如破渴欲飲水 曰

何氣使然曰陰陽上下交爭虛實更作陰陽相移也陽

并於陰則陽實而陰虛陽明虛則寒慄鼓頷也太陽虛

則腰背頭項痛三陽俱虛則陰氣勝

一作陰

陰氣勝則骨

寒而痛寒生於內故中外皆寒陽勝則外熱陰虛則內

熱內外皆熱則喘渴故欲冷飲此皆得之夏傷於暑熱

氣盛藏於皮膚之內腸胃之外此營氣之所舍也令人

汗出空疎腠理開因得秋氣汗出遇風得浴水氣舍於皮膚之內與衛氣并居衛氣者晝行於陽夜行於陰此氣得陽而外出得陰而外薄內外相薄是以日作曰其間日而作者何也曰其氣之舍深內薄於陰陽氣獨發陰邪內著陰與陽爭不得出是以間日而作曰其作日晏與其日早何氣使然曰邪氣客於風府循脊而下衛氣一日一夜大會於風府其明日日下一節故其作也晏此皆客於脊背每至於風府則腠理開腠理開

則邪氣入邪氣入則病作以此日作稍益晏也其出於

風府日下一節二十一日下至骶骨二十二日入於脊

內注於太衝之脈

素問二十一作二十五二十
二作二十六太衝作伏替

其氣上

行九日出於缺盆之中其氣日高故作日益早其間日

發者內邪氣內薄於五藏橫連募原其道遠其氣深其

行遲不能與營氣俱行不能偕出故間日乃作 曰衛

氣每至於風府腠理乃發發則邪入入則病作今衛氣

日下一節其氣之發不當風府其日作奈何曰

素問作
下有八

十八字甲乙經
無本故不抄入

風無常府衛氣之所發必開其腠理邪

氣之所合則其病作

素問作則其府也

曰風之與瘧相似同

類而風獨常在瘧得有時休者何也曰風氣常留其處

故常在瘧氣隨經絡次以內傳

素問作沉而內薄

故衛氣應乃

作 曰瘧先寒而後熱者何也曰夏傷於大暑汗大出

腠理開發因遇風夏氣淒滄之水寒迫之藏於腠理及

皮膚之中秋傷於風則病成矣夫寒者陰氣也風者陽

氣也先傷於寒而後傷於風故先寒而後熱病以時作

名曰寒瘧也

曰先熱而後寒者何也曰此先傷於風

後傷於寒故先熱而後寒亦以時作名曰溫瘧也 其

但熱而不寒者陰氣先絕陽氣獨發則熱而少氣煩冤

手足熱而欲嘔者名曰瘧瘧 曰經言有餘者寫之不

足者補之今熱為有餘寒為不足夫瘧之寒湯火不能

溫及其熱冰水不能寒此皆有餘不足之類當此之時

良工不能止必待其自衰乃刺之何也曰經言無刺熇

熇之熱無刺渾渾之脈無刺澼澼之汗為其病逆未可

治也 夫瘧之始發也陽氣并於陰當是之時陽虛陰盛而外無氣故先寒慄也陰氣逆極則復出之陽陽與陰并於外則陰虛而陽實故先熱而渴 夫瘧并於陽則陽勝并於陰則陰勝陰勝者則寒陽勝者則熱熱瘧者風寒氣不常也病極則復至病之發也如火之熱如風雨不可當也故經曰方其盛必毀因其衰也事必大昌此之謂也 夫瘧之未發也陰未并陽陽未并陰因而調之真氣乃安邪氣乃亡故工不能治已發為其氣

逆也 瘧之且發也陰陽之且移也必從四末始陽已傷陰從之故氣未并先其時堅束其處令邪氣不得入陰氣不得出審候見之在經絡者盛堅而血者皆取之此其往而未得并者也 曰瘧不發其應何也曰瘧者必更盛更虛隨氣之所在病在陽則熱而脈躁在陰則寒而脈靜極則陰陽俱衰衛氣相離故病得休衛氣集則復病 曰時有間二日或至數日發或渴或不渴其故何也曰其間日邪氣與衛氣客於六府而相失時不

相得故休數日乃發也陰陽更勝或甚或不甚故或渴或不渴 曰夏傷於暑秋必病瘧今不必應者何也曰此應四時也其病異形者反四時也其以秋病者寒甚以冬病者寒不甚以春病者惡風以夏病者多汗 曰溫瘧與寒瘧者皆安舍其在何藏曰溫瘧者得之於冬中於風寒寒氣藏於骨髓之中至春則陽氣大發寒氣不能出因遇大暑腦髓鑠肌肉消腠理發泄或有所用力邪氣與汗皆出此病藏在腎其氣先從內出之於外

如是者陰虛而陽盛陽盛則熱衰矣衰則氣反復入復入則陽虛陽虛則寒矣故先熱而後寒名曰溫瘧 曰瘧瘧何如曰肺素有熱氣盛於身厥氣逆上中氣實而不外泄因有所用力腠理開風寒舍於皮膚之內分肉之間而發發則陽氣盛陽氣盛而不衰則病矣其氣不反之陰故但熱而不寒氣肉藏於心而外舍分肉之間令人消爍脫肉故名曰瘧瘧

瘧脈滿大急刺背俞用中鍼傍五腧俞各一遍肥瘦出

血 瘧脈小實急灸脛少陰刺指井 瘧脈緩大虛便
用藥不宜用鍼 凡治瘧先發如食頃乃可以治過之
則失時 一瘧不渴間日而作九卷曰取足陽明素問
刺太陰渴而間日作九卷曰取手少陽素問刺足少陽
一溫瘧汗不出為五十九刺 解在熱病部 一足太陽瘧
令人腰痛頭重寒從背起先寒後熱渴渴止汗乃出難
已間日作刺膈中出血 素問先寒後熱下有
焯焯喝喝然五字 一足少
陽瘧令人身體解休寒不甚惡見人心惕惕然熱多汗

出甚刺足少陽 一足陽明瘧令人先寒洒淅洒淅寒甚久乃熱熱去汗出喜見日月光火氣乃快然刺陽明跗上及調衝陽 一足太陰瘧令人不樂好太息不嗜食多寒少熱寒出病至則善嘔嘔乃已衰即取之足太陰 一足少陽瘧令人嘔吐甚多寒少熱欲閉戶牖而處其病難已取太谿 一足厥陰瘧令人腰痛少腹滿小便不利如癰狀非癰也數便意恐懼一作噫氣不足腹中悒悒刺足厥陰 一肺瘧令人心寒甚熱熱間善

驚如有所見者刺手太陰陽明 一心瘧令人煩心甚

欲得見清水寒多

素問作反寒多
太素作及寒多

不甚熱刺手少陰是

謂神門

一肝瘧令人色蒼蒼然

素問下有
太息二字

其狀若死

者刺足厥陰見血

一脾瘧令人病寒腹中痛熱則腸

中鳴鳴已汗出刺足太陰

一腎瘧令人悽悽然

素問
作酒

然酒

腰脊痛宛轉大便難目眴眴然手足寒刺足太陽少

陰 一胃瘧令人且病寒善饑而不能食食而支滿腹

大刺足陽明太陰橫脈出血

一瘧發身熱刺跗上動

脈開其空出血立寒 一瘡方欲寒刺手陽明太陰足陽明太陰 一諸瘡如脈不見者刺十指間出血血去必已先視身之赤如小豆者盡取之 一十二瘡者其發各不同時察其病形以知其何脈之病先其發時如一食頃而刺之一刺則衰二刺則知三刺則已不已刺舌下兩脈出血不已刺郄中盛經出血又刺項已下俠脊者必已舌下兩脈者廉泉穴也 一刺瘡者必先問其病之所先發者先刺之先頭痛及重者先刺頭上及

兩額兩肩間出血先項背痛者先刺之先腰脊痛者先
刺脊中出血先手臂痛者先刺手少陰陽明十指間先
足脛痠痛者先刺足陽明十指間出血 風瘧發則汗
出惡風刺足三陽經背俞之血者脛痠痛按之不可名
曰肘髓病以鑱鍼鍼絕骨出其血立已身體小痛刺諸
陰之井無出血間日一刺 瘡瘡神庭及百會主之
瘡瘡上星主之先取諶諶後取天牖風池大杼 瘡瘡
取完骨及風池大杼心俞上竅諶諶陰都太淵三間合

谷陽池少澤前谷後谿腕骨陽谷俠谿至陰通谷京骨
皆主之 瘡振寒熱甚狂言天樞主之 瘡熱盛列缺

主之 瘡寒厥及熱厥煩心善噦心滿而汗出刺少商

出血立已

熱瘡口乾商陽主之

瘡寒甚

千金下云
欲嘔沫

陽谿主之

風瘡汗不出偏歷主之

瘡面赤腫溫溜

主之

瘡瘡心下脹滿痛上氣灸手五里左取右右取

左

瘡項痛因忽暴逆掖門主之

瘡發有四時面上

赤晄晄無所見中渚主之

瘡食時發心痛悲傷不樂

天井主之 風瘧支正主之 瘧背脊振寒項痛引肘
掖腰痛引少腹四肢不舉少海主之 瘧不知所苦大
都主之 瘧多寒少熱大鍾主之 瘧欬逆心悶不得
卧嘔甚熱多寒少欲閉戶牖而處寒厥足熱大谿主之
瘧熱少間寒不能自溫臍脹切痛引心復溜主之

瘧不嗜食厲兌主之

瘧瘕瘕驚股

千金作轉膝重胛轉筋

頭眩痛解谿主之

瘧日西發臨泣主之


瘧振寒掖

下腫丘墟主之

瘧從胛起束骨主之

瘧多汗腰痛

不能俛仰目如脫項如拔崑崙主之 瘧實腰背痛虛
則魀魀飛揚主之 瘧頭重寒背起先寒後熱渴不止
汗乃出委中主之 瘧不渴間日作崑崙主之



鍼灸甲乙經卷七

欽定四庫全書

子部

鍼灸甲乙經卷八

詳校官太醫院吏目臣吳尊斐

編修臣倉聖脈覆勘

總校官進士臣朱鈴

校對官助教臣羅萬選

謄錄監生臣戴宗槐

欽定四庫全書

鍼灸甲乙經卷八

晉皇甫謐撰

五藏傳病發寒熱第一

上

黃帝問曰五藏相通移皆有次五藏有病則各傳其所勝不治法三月若六月若三日若六日傳五藏而當死

素問下有順傳所勝之次

故曰別於陽者知病從來別於陰者知死

生之期言至其所困而死者也是故風者百病之長也

今風寒客於人使人毫毛畢直皮膚閉而為熱當是之

時可汗而發或痺不仁腫痛當是之時可湯熨及

一本作足

字火灸刺而去弗治病入舍於肺名曰肺痺發欬上氣

弗治肺即傳而行之肝病名曰肝痺一名曰厥脇痛

出食當是之時可按可刺 弗治肝傳之脾病名曰脾

風發痺腹中熱煩心汗出黃痺

素問無汗痺二字

當此之時可

汗可藥可烙

一本作浴

弗治脾傳之腎病名曰疝瘕少腹

煩冤而痛汗出

素問作出白

一名曰蠱當此之時可按可藥

弗治腎傳之心病筋脈相引而急名之曰瘕當此之時可灸可藥 弗治十日法當死腎傳之心心即復反傳而之肺發寒熱法當三歲死此病之次也然其卒發者不必治其傳化有不以次者憂恐悲喜怒令不得以其次故令人大病矣 因而喜大虛則腎氣乘矣怒則肝氣乘矣悲則肺氣乘矣恐則脾氣乘矣憂則心氣乘矣此其道也故病有五五二十五變及其傳化傳乘之名也

大骨枯槁大肉陷下胃中氣滿喘息不使其氣動形期
六月死真藏脈見乃予之期日 大骨枯槁大肉陷下
胃中氣滿喘息不便內痛引肩項期一月死真藏脈見
乃予之期日 大骨枯槁大肉陷下胃中氣滿喘息不
便內痛引肩項痛熱脫肉破腠真藏脈見十月之內死
大骨枯槁大肉陷下胃中氣滿腹內痛心中不便肩
項身熱腠破脫肉目眶陷真藏脈見目不見人立死其
見人者至其所不勝之時而死 急虛中身卒至五藏

閉絕脈道不通氣不往來譬之墮溺不可為期其脈絕
不來若一息五六至其形肉不脫真藏雖不見猶死

真肝脈至中外急如循刀必責責然如按琴瑟絃色青
白不澤毛折乃死

真心脈至緊

一本作堅

而搏如循薏苡子累累然色赤黑不

澤毛折乃死

真肺脈至大而虛如以毛羽中人膚色赤白不澤毛折
乃死

真脾脈至弱而乍疎乍數色青黃不澤毛折乃死

真腎脈至搏而絕如指彈石辟辟然色黑黃不澤毛折乃死諸真藏脈見者皆死不治

曰寒熱瘰癧在於頸腋者何氣所生曰此皆鼠瘻寒熱之毒氣稽於脈而不去者也

靈樞稽作隄字

鼠瘻之本皆在於

藏其末上出頸腋之間其浮於胸中未著於肌肉而外為膿血者易去也 曰去之奈何曰請從其本引其末可使衰去而絕其寒熱審按其道以予之徐往徐來以

去之其小如麥者一刺知三刺已決其死生反其目視之其中有赤脈從上下貫瞳子者見一脈一歲死見一脈半一歲半死見二脈二歲死見二脈半二歲半死見三脈三歲死赤脈不下貫瞳子者可治

曰人有善病寒熱者何以候之曰小骨弱肉者善病寒熱顴骨者骨之本也顴大則骨大顴小則骨小皮薄而肉弱無膈其臂懦懦然其地色焔然不與天地同色汚然獨異此其候也然臂薄者其髓不滿故善病寒熱

風感則為寒熱 皮寒熱皮不可附席毛髮焦鼻藁腊
不得汗取三陽之絡補手太陽肌寒熱病肌痛毛髮焦
唇槁腊不得汗取三陽於下以去其血者補太陰以去
其汗 骨寒骨熱痛無所安汗注不休齒本藁痛取其
少陰於陰股之絡齒色藁死不治骨厥亦然 男子如
蠱女子如阻身體腰脊如解不欲食先取湧泉見血視
跗上盛者盡出血 灸寒熱之法先取項大椎以年為
壯數次灸掣骨以年為壯數視背俞陷者灸之舉臂肩

上陷者灸之兩季脇之間灸之外踝上絕骨之端灸之
足小指次指之間灸之膈上陷脈灸之外踝後灸之缺
盆骨上切之堅動如筋者灸之膺中陷骨間灸之掌束
骨下灸之臍下關元三寸灸之毛際動脈灸之臍下二
寸分間灸之足陽明跗上動脈灸之巔上一灸之取犬
所嚙處灸之即以犬傷病法三炷灸之凡當灸二十九
處 寒熱頭痛喘喝目不能視神庭主之 其目泣出
頭不痛者聽會主之 寒熱頭痛如破目痛如脫喘逆

煩滿嘔吐流汗難言頭維主之 寒熱刺腦戶

五藏傳病發寒熱第一 下

寒熱取五處及天池風池腰俞長強大杼中膂內俞上
窈斷交上關闕元天牖天容合谷陽谿關衝中渚陽池
消灤少澤前谷腕骨陽谷少海然谷至陰崑崙主之

寒熱骨痛玉枕主之

寒熱懈癰

一本作懶

淫灤脛痠四肢

重痛少氣難言至陽主之

肺寒熱呼吸不得卧上氣

嘔沫喘氣相追逐胃滿脇膺急急難振慄脈鼓氣膈胃

中有熱支滿不嗜食汗不出腰脊痛肺俞主之 寒熱
心痛循循然與背相引而痛胃中悒悒不得息咳唾血
多涎煩中善饘食不下欬逆汗不出如瘧狀目眦眦淚
出悲傷心俞主之 欬而嘔鬲寒食不下寒熱皮肉膚
痛少氣不得卧胃滿支兩脇鬲上兢兢脇痛腹膜胃痛
暴痛上氣肩背寒痛汗不出喉痺腹中痛積聚然嗜
卧怠惰不欲動身常濕濕心痛無可搔者脾俞主之
欬而脇滿急不得息不得反側腋脇下與臍相引筋急

而痛反折目上視眩目中循循然肩項痛驚狂衄少腹
滿目眦眦生白翳欬引胃痛筋寒熱唾血短氣鼻酸肝
俞主之 寒熱食多身羸瘦兩脇引痛心下賁痛心如

懸下引臍少腹急痛熱面急

一本作黑

目眦眦久喘欬少氣

溺濁赤腎俞主之 骨寒熱洩難腎俞主之 寒熱頭

痛水溝主之 寒熱頸瘰癧大迎主之 肩痛引項寒

熱缺盆主之 身熱汗不出胸中熱滿天竅主之 寒

熱肩腫引胛中痛肩臂酸臑俞主之 寒熱項瘰癧適耳

無聞引缺盆肩中熱痛麻痺不舉

一本作手
臂不舉

肩貞主之

寒熱瘧目不明欬上氣唾血肩中俞主之 寒熱瘧

適胸中滿有大氣缺盆中滿痛者死外潰不死肩引項

不舉缺盆中痛汗不出喉痺欬嗽血缺盆主之 欬上

氣喘暴瘖不能言及舌下挾縫青脈頸有大氣喉痺咽

中乾急不得息喉中鳴翕翕寒熱項腫肩痛胃滿腹皮

熱衄氣短哽心痛隱疹頭痛面皮赤熱身肉盡不仁天

突主之 肺系急胸中痛惡寒胸滿悒悒然善嘔膽胃

中熱喘逆氣氣相迫逐多濁唾不得息肩背風汗出面
腹腫鬲中食蝕不下食喉痺肩息肺脹皮膚骨痛寒熱
煩滿中府主之 寒熱胸滿頭痛四肢不舉掖下腫上
氣胷中有聲喉中鳴天池主之 欬脇下積聚喘逆卧
不安席時寒熱期門主之 寒熱腹脹臑怏怏然不得
息京門主之 寒濯濯舌煩手臂不仁唾沫唇乾引飲
手腕攣指肢痛肺脹上氣耳中生風欬喘逆痺臂痛嘔
吐飲食不下膨膨然少商主之 唾血時寒時熱寫魚

際補尺澤 臂厥肩膺胃滿痛目中白翳眼青轉筋掌
中熱乍寒乍熱缺盆中相引痛數欬喘不得息臂內廉
痛上鬲飲已煩滿太淵主之 寒熱胃背急喉痺欬上

氣喘掌中熱數欠伸汗出善忘四逆厥善笑溺白列缺
主之 胃中彭彭然甚則交兩手而瞽暴痺喘逆刺經
渠及天府此謂之大俞 寒熱欬嘔沫掌中熱虛則肩
背寒慄少氣不足以息寒厥交兩手而瞽口沫出實則
肩背熱痛汗出四肢暴腫身熱

一本作溫

搖時寒熱饑則煩

飽則善面色變口喎不開惡風泣出列缺主之 煩心
欬寒熱善噦勞宮主之 寒熱唇口乾喘息目急痛善
驚三間主之 胃中滿耳前痛齒痛目赤痛頸腫寒熱
渴飲輒汗出不飲則皮乾熱曲池主之 寒熱頸癰適
欬呼吸難灸五里左取右右取左 寒熱頸癰適肩臂
不可舉臂臑俞主之 風寒熱腋門主之 寒熱頸頤
腫後谿主之 寒熱善嘔商丘主之 嘔厥寒時有微
熱脇下支滿喉痛嗑乾膝外廉痛淫灤脛痠腋下腫馬

刀癭肩腫吻傷痛太衝主之

心如懸

千金作心痛

陰厥脚

膈後廉急不可前却血癰腸澼便膿血足跗上痛舌卷

不能言善笑足痿不收履溺青赤白黃黑青取井赤取

榮黃取輸白取經黑取合

血痔泄

千金下有利字

後重腹痛

如癰狀狂仆必有所扶持及大氣涎出鼻孔中痛腹中

常鳴骨寒熱無所安汗出不休復溜主之 男子如蠱

女子如阻寒熱少腹偏腫陰谷主之 少腹痛泄出糜

次指間熱若脈陷寒熱身痛唇渴不乾汗出毛髮焦脫

肉少氣內有熱不欲動搖泄膿血腰引少腹痛暴驚狂
言非常巨虛下廉主之 胃中滿腋下腫馬刀瘻善自
齧舌頰天牖中腫淫瀼脰痠頭眩枕骨頰腮腫目澁身
痺洒淅振寒季脇支滿寒熱脇腰腹膝外廉痛臨泣主
之 寒熱頸腫丘墟主之 寒熱頸腋下腫申脈主之
寒熱酸瘡四肢不舉腋下腫馬刀瘻喉痺髀膝脛骨
搖酸痺不仁陽輔主之 寒熱痺頸不收陽交主之
寒熱腰痛如折束骨主之 寒熱目眴眴善欬喘逆通

谷主之 寒熱善唏頭重足寒不欲食脚攣京骨主之
寒熱篡反出承山主之 寒熱篡後出瘕瘕脚膈痠
重戰慄不能久立脚急腫跗痛筋足攣少腹引喉嗌大
便難承筋主之 跟厥膝急腰脊痛引腹篡陰股熱陰
暴痛寒熱膝痠重合陽主之

經絡受病入腸胃五藏積發伏梁息賁肥氣痞氣
奔肭第二

黃帝問曰百病始生三部之氣所傷各異願聞其會岐

伯對曰喜怒不節則傷於藏藏傷則病起於陰清濕襲
虛則病起於下風雨襲虛則病起於上是謂三部至其
淫佚不可勝數風雨寒熱不得虛邪不能獨傷人卒然
逢疾風暴雨而不病者蓋無虛邪不能獨傷此必因虛
邪之風與其身形兩虛相搏乃客其形兩實相逢中人
肉間其中於虛邪也因其天時與其躬身參以虛實大
病乃成氣有定舍因處為名上下內外分為三真是故
虛邪之中人也始於皮膚皮膚緩則腠理開腠理開則

邪從毛髮入毛髮入則稍深稍深則毛髮立洒然皮膚
痛留而不去則傳舍於絡在絡之時通於肌肉其病時
痛時息大經乃代留而不去傳舍於經在經之時洒淅
善驚留而不去傳舍於俞在俞之時六經不通四節即
痛腰脊乃強留而不去伏舍於伏衝之脈在伏衝之脈
時身體重痛留而不去傳舍於腸胃在腸胃之時賁嚕
腹脹多寒則腸鳴飧泄不化多熱則溲出糜留而不去
傳舍於腸胃之外募原之間留著於脈稽留而不去息

而成積或著孫絡或著脈絡或著經脈或著俞脈或著於伏衝之脈或著於脊筋或著於腸胃之募原上連於緩筋邪氣淫佚不可勝論其著孫絡之脈而成積往來

上下擘

音拍破盡也

乎

素作手

孫絡之居也浮而緩不能拘積

而止之故往來移行腸胃之外湊滲注灌濯濯有音有寒則腹膜滿雷引故時切痛其著於陽明之經則使臍而居飽則益大饑則益小其著於緩筋也似陽明之積飽則痛饑則安其著於腸胃之募原也痛而外連於緩

筋也飽則安饑則痛其著於伏衝之脈者揣之應手而動發手則熱氣下於兩股如湯沃之狀其著於脊筋在腸後者饑則積見飽則積不見按之弗得其著於俞脈者閉塞不通津液不下而空竅乾此邪氣之從入內從上下者也 曰積之始生至其已成奈何曰積之始也得寒乃生厥止乃成積曰其成奈何曰厥氣生足溢靈樞作足足溢生脛寒脛寒則脈血凝泣寒熱上下入於腸胃入於腸胃則膜脹外之汁沫迫聚不得散日以成積

卒然盛食多飲則脈滿起居不節用力過度則絡脈傷陽絡傷則血外溢溢則衄血陰絡傷則血內溢溢則便血腸外之絡傷則血溢於腸外有寒汁沫與血相搏則并合凝聚不得散而成積矣卒然中於寒若內傷於憂恐則氣上逆氣上逆則穴俞不通溫氣不行凝血縕裏而不散津液凝滯著而不去而積皆成矣 曰其生於陰者奈何曰憂思傷心重寒傷肺忿怒傷肝醉飽入房汗出當風則傷脾用力過度入房汗出浴水則傷腎此

內外三部之所生病也察其所痛以知其應有餘不足
當補則補當寫則寫無逆天時是謂至治 曰人之善
病腸中積者何以候之曰皮薄而不澤肉不堅而淖澤
如此則腸胃惡惡則邪氣留止積聚乃作腸胃之積寒
溫不次邪氣乃

一本作稍

止其畜積止大聚乃起

曰病有身體腰股胛背皆腫環臍而痛是謂何病曰名
曰伏梁此風根也不可動動之為水溺瀉之病 病有
少腹盛左右上下皆有根者名曰伏梁也裏大膿血居

腸胃之外不可治之每切按之致死此下則因陰必下

膿血上則迫胃脘生鬲俠

一本作依

胃脘內癰此久病也難

治居臍上為逆居臍下為順勿動亟奪其氣溢

素問作泄

於

大腸而著於盲盲之原在臍下故環臍而痛也

難經曰心之積名曰伏梁起於臍上上至心下大如臂

久久不愈病煩心心痛以秋庚辛日得之腎病傳心心

當傳肺肺以秋王不受邪因留結為積

難經曰肺之積名曰息賁左右脇下覆大如杯久久不

愈病洒洒惡寒氣逆喘欬發肺癰以春甲乙日得之心
病傳肺肺當傳肝肝以春王不受邪因留結為積

曰病脇下滿氣逆行三二歲不已是為何病曰病名息
責此不妨於食不可灸刺積為導引服藥藥不能獨治
也

難經曰肝之積名曰肥氣在左脇下如覆杯有頭足如
龜鼈狀久久不愈發欬逆痞瘕連歲月不已以季夏戊
己日得之肺病傳肝肝當傳脾脾以季夏王不受邪因

留結為積此與息賁略同

難經曰脾之積名曰痞氣在胃脘覆大如盤久久不愈
病四肢不收發黃疸飲食不為肌膚以冬壬癸日得之
肝病傳脾脾當傳腎腎以冬壬不受邪因留結為積

難經曰腎之積名曰賁肥發於腹上至心下若豚狀或
上或下無時久不已令人喘逆骨痿少氣以夏丙丁日
得之脾病傳腎腎當傳心心以夏旺不受邪因留結為
積也

息賁時唾血巨闕主之 腹中積上下行懸樞主之
疝積胃中痛不得窮屈天容主之 暴心腹痛疝橫發
上衝心雲門主之 心下大堅盲俞期門及中脘主之
臍下疝繞臍痛衝胃不得息中極主之 賁肱上腹
臍堅痛引陰中不得小便兩丸騫陰交主之 臍下疝
繞臍痛石門主之 奔肱氣上腹臍痛強不能言莖腫
先引腰後引小腹腰臍堅痛下引陰中不得小便兩丸
騫石門主之 奔肱寒氣入小腹時欲嘔傷中溺血小

便數背臍痛引陰腹中窘急欲湊後泄不止關元主之
奔豚上搶心甚則不得息忽忽少氣尸厥心煩痛饑
不能食善寒中腹脹引臍而痛小腹與脊相控暴痛時
窘之後中極主之 腹中積聚時切痛商曲主之 臍
下積疝瘕胞中有血四滿主之 臍疝繞臍而痛時上
衝心天樞主之 氣疝噦嘔面腫奔豚天樞主之 奔
豚卵上入痛引莖歸來主之 奔豚上下期門主之
疝瘕髀中急痛循脇上下搶心腹痛積聚府舍主之

奔豚腹脹腫章門主之 少腹積聚勞宮主之 環臍
痛陰騫兩丸縮堅痛不得卧太衝主之 寒疝下至腹
膝膝腰痛如清水大腹一作小腹諸疝按之至膝上伏菟主
之 寒疝痛腹脹滿痿厥少氣陰市主之 大疝腹堅
丘墟主之

五藏六府脹第三

黃帝問曰脈之應於寸口如何而脹岐伯對曰其至大
堅直以濇者脹也 曰何以知其藏府之脹也曰陰為

藏而陽為府也 曰夫氣之令人脹也在於血脈之中
耶抑藏府之內乎曰二者皆在焉然非脹之舍也 曰
願聞脹舍曰夫脹者皆在於府藏之外排藏府而廓胃
脇脹皮膚故命曰脹 曰藏府之在內也若匣匱之藏
禁器也各有次舍異名而同處一域之中其氣各異願
聞其故曰夫胃腹者藏府之城廓臙中者心主之中宮
也胃者太倉也咽喉少腹者傳道也胃之五竅者間里
之門戶也廉泉玉英者津液之道路也故五藏六府各

有畔界其病各有形狀營氣循脈衛氣逆為脈脹衛氣

並血脈循分肉為膚脹

靈樞作營氣循脈為脈脹
衛氣並脈循分肉為膚脹

取三

里寫之近者一下

一本作
分下同

遠者三下無問虛實工在疾

寫也

曰願聞脹形曰心脹者煩心短氣卧不得安肺

脹者虛滿而喘欬肝脹者脇下滿而痛引少腹脾脹者

苦噦四肢悶體重不能衣腎脹者腹滿引背怏怏然腰

髀痛胃脹者腹滿胃脘痛鼻聞焦臭妨於食大便難大

腸脹者腸鳴而痛濯濯冬日重感於寒則泄殮不化小

腸脹者小腹脹臌引腰而痛膀胱脹者小腹滿而氣瘕
三焦脹者氣滿於皮膚中穀穀然而不堅膽脹者脇下
痛脹口苦好太息凡此諸脹其道在一明知逆順鍼數
不失寫虛補實神去其室致邪失正真不可定粗工所
敗謂之天命補虛寫實神歸其室久塞其空謂之良工
曰脹者馬生何因而有名曰衛氣之在身也常並脈
循分肉行有逆順陰陽相隨乃得天和五藏皆治四時
皆叙五穀乃化然而厥氣在下營衛留止寒氣逆上真

邪相攻兩氣相薄乃舍為脹 曰何以解感曰合之於
真三合而得 曰無問虛實工在疾寫近者一下遠者
三下今有三而不下其過焉在曰此言陷於肉盲而中
氣穴者也不中氣穴則氣內閉藏不陷盲則氣不行上
越中肉則衛氣相亂陰陽相逆其於脹也當寫而不寫
故氣不下必更其道氣下乃止不下復起可以萬全惡
有殆者乎其於脹也必審其診當寫則寫當補則補如
鼓之應桴惡有不下者乎

心脹者心俞主之亦取列缺 肺脹者肺俞主之亦取
太淵 肝脹者肝俞主之亦取太衝 脾脹者脾俞主
之亦取太白 腎脹者腎俞主之亦取太谿 胃脹者
中脘主之亦取章門 大腸脹者天樞主之 小腸脹
者中窵主之 膀胱脹者曲骨主之 三焦脹者石門
主之 膽脹者陽陵泉主之 五藏六府之脹皆取三
里三里者脹之要穴也

水膚脹鼓脹腸覃石瘕第四

黃帝問曰水與膚脹鼓脹腸覃石瘕何以別之岐伯對
曰水之始起也目窠上微腫如新卧起之狀頸脈動時
欬陰股間寒足脛腫腹乃大其水已成也以手按其腹
隨手而起如裹水之狀此其候也 膚脹者寒氣客於
皮膚之間穀穀然不堅腹大身盡腫皮膚厚按其腹腹
陷而不起腹色不變此其候也 鼓脹者腹身皆腫大
如膚脹等其色蒼黃腹筋一本起此其候也 腸覃者
寒氣客於腸外與衛氣相搏正氣不得營因有所繫瘕

而內著惡氣乃起息肉乃生其始生也大如雞卵稍以益大至其成也如懷子狀久者離歲月按之則堅推之則移月事時下此其候也 石瘕者生於胞中寒氣客於子門子門閉塞氣不通惡血當寫不寫血瘀乃留止日以益大狀如懷子月事不以時下皆生於女子可導而下之 曰膚脹鼓脹可刺即曰先刺其腹之血絡後調其經亦刺去其血脈 曰有病心腹滿旦食則不能暮食此為何病曰此名為鼓脹治之以雞矢醴一劑知

二劑已 曰其時有復發者何也曰此食飲不節故時
有病也雖然其病且已因當風氣聚於腹也

風水膚脹為五十九刺

靈樞作五十七刺

取皮膚之血者盡取

之徒水先取環谷下三寸以排鍼刺之而藏之引而內
之入而復出以盡其水必堅束之束緩則煩悶束急則
安靜間日一刺之水盡乃止飲則閉藥方刺之時徒飲
之方飲無食方食無飲無食他食百三十五日 水腫
人中盡滿唇反者死水溝主之 水腫大臍平灸臍中

無理不治 水腫水氣行皮中陰交主之 水腫腹大

水脹水氣行皮中石門主之 石水痛引脇下脹頭眩

痛身盡熱關元主之 振寒大腹石水四滿主之 石

水刺氣衝 石水章門及然谷主之 石水天泉主之

腹中氣盛腹脹逆

千金作水脹逆

不得卧陰陵泉主之 水

中留飲胃腸支滿刺陷谷出血立已 水腫脹皮腫三

里主之 胞中有大疝瘕積聚與陰相引而痛苦涌泄

上下出補尺澤太谿手陽明寸口皆補之

腎風發風水面跗腫第五

黃帝問曰少陰何以主腎腎何以主水岐伯對曰腎者至陰也至陰者盛水也肺者太陰也少陰者冬脈也其本在腎其末在肺皆積水也 曰腎何以聚水而生病曰腎者胃之關也關門不利故聚水而從其類上下溢於皮膚故為跗腫跗腫者聚水而生病也 曰諸水皆主於腎乎曰腎者牝藏也地氣上者屬於腎而生水液故曰至陰勇而勞甚則腎汗出腎汗出逢於風內不得

入於府藏外不得越於皮膚客於玄府行於皮裏傳為
附腫本之於腎名曰風水 曰有病腎風者面附疣然

腫

素問無
腫字

壅害於言可刺否曰虛不當刺不當刺而刺

後五日其氣必至 曰其至何如曰至必少氣時從胃

背上至頭汗出手熱口乾苦渴小便黃目下腫腹中鳴

身重難行月事不來煩而不能食食不能正偃正偃則

欬甚病名曰風水 曰願聞其說曰邪之所湊其氣必

虛陰虛者陽必湊之故少氣時熱而汗出小便黃小便

黃者少腹氣熱也不能正偃者胃中不和也正偃則欬甚上迫肺也諸有水氣者微腫見於目下 曰何以言之曰水者陰也目下亦陰也腹者至陰之所居故水在腹者必使目下腫真氣上逆故口苦舌乾卧不得正偃則欬出清水也諸水病者皆不得卧卧則驚驚則欬甚也腹中鳴者脾本於胃也傳脾則煩不能食食不下者胃脘膈也身重難以行者胃脈在足也月事不來者胞脈閉也胞脈者屬心而絡於胞中今氣上迫肺心氣不

得下通故月事不來也 曰有病瘕然如水氣狀切其
脈太緊身無痛者形不瘦不能食食少名為何曰病主
素問素問在腎名曰腎風腎風而不能食善驚不已素無心
作生氣痿者死

風水膝腫巨虛上廉主之 面胛腫上星主之先取諶
諶後取天牖風池主之 風水面胛腫衝陽主之
腫一作浮
風水面胛腫顏黑解谿主之

鍼灸甲乙經卷八

欽定四庫全書

鍼灸甲乙經卷九

晉 皇甫謐 撰

大寒內薄骨髓陽逆發頭痛第一

頤項
痛附

黃帝問曰病頭痛數歲不已此何病也岐伯對曰當有所犯大寒內至骨髓骨髓者以腦為主腦逆故令頭痛齒亦痛

陽逆頭痛胃滿不得息取人迎 厥頭痛面若腫起而

煩心取足陽明太陽

一作陰

厥頭痛脉痛心悲喜泣視

頭動脉反盛者乃刺之盡去血後調足厥陰 厥頭痛

噫

九壠作意

善忘按之不得取頭面左右動脉後取足太陽

一作陰

厥頭痛員員而痛

靈樞作員貞頭重

寫頭上五行行五

先取手少陰後取足少陰 頭痛項先痛腰脊為應先

取天柱後取足太陽 厥頭痛痛甚耳前後脉骨

一本作薄

熱先寫其血後取足太陽少陰

一本亦作陽

厥頭痛痛甚

耳前後脉涌有血寫其血後取足少陽 真頭痛痛甚

腦盡痛手足寒至節死不治 頭痛不可取於俞有所

擊墜惡血在內若內傷痛痛未已可即刺之不可遠取

頭痛不可刺者大痺為惡風日作者可令少愈不可

已 頭寒痛先取手少陽陽明後取足少陽陽明 頤

痛刺手陽明與頤之盛脉出血 頭項不可俛仰刺足

太陽不可顧刺手太陽

一云手陽明

頤痛刺足陽明曲周

動脉見血玄已不已按經刺人迎立已 頭痛目窓及

天衝風池主之 厥頭痛乳最主之 厥頭痛面腫起

商丘主之

寒氣客於五藏六府發卒心痛胃痺心疝三虫第

二

厥心痛與背相引善瘕如從後觸其心身傴僂者腎心痛也先取京骨崑崙發鍼立已不已取然谷 厥心痛暴泄腹脹滿心痛尤甚者胃心痛也取太都太白 厥心痛如錐刺其心心痛甚者脾心痛也取後谷太谿 厥心痛色蒼蒼如死狀終日不得太息者肝心痛也取

行間太衝 厥心痛卧若徒居心痛乃間動行痛益甚

色不變者肺心痛也取魚際太淵 真心痛手足青至

節心痛甚旦發夕死夕發旦死

心下

一本作痛

不可刺者

中有盛聚不可取于俞腸中有虫瘕有蛭蛟不可取以

小鍼 心腹痛發作腫聚往來上下行痛有休止腹中

熱渴漾

音涎

者是蛭蛟也以手聚按而堅持之無令得移

以大鍼刺之久持之虫不動乃出鍼 心痛引腰脊欲

嘔刺足少陰 心痛腹脹漉漉然大便不利取足太陰

心痛引背不得息刺足少陰不已取手少陰 心痛
引少腹滿上下無常處洩便難刺足厥陰 心痛但短
氣不足以息刺手太陰 心腹中卒痛而汗出石門主
之 心痛有三虫多漾不得反側上脘主之 心痛有
寒難以俛仰心疝氣衝胃死不知人中脘主之 心痛
上搶心不欲食支痛引鬲建里主之 胃腸持相引痛
心下溷溷嘔吐多唾飲食不下幽門主之 脾逆氣寒
厥急煩心善唾噦噫胃滿激呼胃氣上逆心痛太淵主

之千金作肺脹胃逆

心膨膨痛千金云煩悶亂

少氣不足以息尺澤

主之心痛俠白主之 卒心中痛瘕瘕互相引肘內

廉痛心教教然間使主之 心痛衄嘔血驚恐畏人

神氣不足却門主之 心痛卒欬逆尺澤主之出血則

已 卒心痛汗出大敦主之出血立已 胃痺引肘時

寒間使主之 胃痺心痛肩肉麻木天井主之 胃痺

心痛不得息痛無常處臨泣主之

千金云不得反側

心疝暴

痛取足太陰厥陰盡刺之血絡 喉痺舌卷口乾煩心

心痛臂表痛

靈樞及太素俱作背內廉痛

不可及頭取關衝在手小

指次指爪甲去端如韭葉許

一云左取右取左

邪在肺五藏六府受病發欬逆上氣第三

邪在肺則病皮膚痛發寒熱上氣喘汗出欬動肩背取之膺中外俞背三椎之傍以手疾按之快然乃刺之取缺盆中以越之

黃帝問曰肺之令人欬何也岐伯對曰五藏六府皆令人欬非獨肺也皮毛者肺之合也皮毛先受邪氣邪氣

以從其合其寒飲食入胃從肺脉上至於肺氣則肺寒
肺寒則内外合邪因而客之則為肺欬五藏各以其時
受病非其時各傳以與之人與天地參故五藏各以治
時感於寒則受病也微則為欬甚則為泄為痛乘秋則
肺先受邪乘春則肝先受之乘夏則心先受之乘至陰
則脾先受之乘冬則腎先受之 肺欬之狀欬而喘息
有音甚則唾血 心欬之狀欬則心痛喉中喝喝
素問則 肝欬之狀欬則肱
素問作 如梗狀甚則咽腫喉痺
兩脇下

痛甚不可以轉轉作兩脇

素問作脇

下滿

脾欬之狀欬則

右肱

素問作脇

下痛陰陰引肩背甚則欬涎不可以動動則

欬劇

腎欬之狀欬則腰背相引而痛甚則欬涎 五

藏久欬乃移於六府脾欬不已則胃受之胃欬之狀欬

而嘔嘔甚則長虫出 肝欬不已則膽受之膽欬之狀

欬嘔膽汁 肺欬不已則大腸受之大腸欬之狀欬而

遺矢 心欬不已則小腸受之小腸欬之狀欬而失氣

氣與欬俱失 腎欬不已則膀胱受之膀胱欬之狀欬

而遺尿

素問作溺

久欬不已則三焦受之三焦欬之狀欬而

腹滿不欲飲食此皆聚於胃關於肺使人多涕唾而面
浮腫氣逆治藏者治其俞治府者治其合浮腫者治
其經秋傷於濕冬生欬咳

曰九卷言振埃刺外經而去陽病願卒聞之曰陽氣大
逆上滿於胸中憤臍肩息大氣逆上喘喝坐伏病咽噎
不得息取之天容其欬上氣窮咄胃痛者取之廉泉取
之天容者深無一里

里字疑誤

取廉泉者血變乃止欬逆

上氣魄戶及氣舍主之 欬逆上氣噫嘻主之 欬逆

上氣咽喉鳴喘息扶突主之 欬逆上氣唾沫天容

及行間主之 欬逆上氣咽喉癰腫呼吸短氣喘息不

通水突主之

一本作天突

欬逆上氣喘不能言華蓋主之

欬逆上氣唾喘短氣不得息口不能言亶中主之

欬逆上氣喘不得息嘔吐胃滿不得飲食俞府主之

欬逆上氣漾出多唾呼吸哮坐卧不安或中主之 胃

滿欬逆喘不得嘔吐煩滿不得飲食神藏主之 胃脇

欬滿欬逆上氣呼吸多唾濁沫膿血庫房主之 咳喘
不得坐不得卧呼吸氣素咽不得胃中熱雲門主之
胃脇欬滿不得俛仰癰癰欬逆上氣咽喉喝有聲太谿
主之 欬逆不止三焦有水氣不能食維道主之 欬
逆煩悶不得卧胃中滿喘不能息持痛太淵主之 欬
逆上氣舌乾脇痛心煩肩寒少氣不足以息腹脹喘尺
澤主之 欬乾嘔滿俠白主之 欬上氣喘不得息暴
痺內逆肝肺相傳鼻口出血身脹逆息不得卧天府主

之 淒淒寒嗽吐血逆氣驚心痛手陰郄主之 欬而
胃滿前谷主之 欬面赤熱支溝主之 欬喉中鳴欬
唾血大鍾主之

肝受病及衛氣留積發胃腸滿痛第四

邪在肝則病兩脇中痛寒中惡血在內脘節時腫善瘕
取行間以引脇下補三里以溫胃中取血脉以散惡血
取耳間青脉以去其瘕

黃帝問曰衛氣留於脉

太素作腹

中積積不行苑蘊不得常

所靈樞下有積脇中滿喘呼逆息者何以去之岐伯對
使人二字

曰其氣積於胃中者上取之積於腹中者下取之上下
皆滿者傍取之積於上者寫人迎天突喉中積於下者
寫三里與氣衝上下皆滿者上下皆取之與季脇之下
深一寸重者難足取之 診視其脉大而強急及絕不
至者腹皮絞甚者不可刺也 氣逆上刺膺中陷者與
脇下動脉 胃滿嘔無所出口苦舌乾飲食不下膽俞
主之 胃滿呼吸喝窮咄窘不得息刺入人迎入四分

不幸殺人 胃滿痛璇璣主之 胃脇痞滿痛引胃中

華蓋主之 胃脇痞滿痺痛骨疼飲食不下嘔

千金作咳逆

氣上煩心紫宮主之 胃中滿不得息脇痛骨疼喘

逆上氣嘔吐煩心玉堂主之 胃脇痞滿鬲塞飲食不下

嘔吐食復出中庭主之 胃中痞滿痛引膈不得息悶

亂煩滿不得飲食靈墟主之 胃脇痞滿不得息欬逆

乳癰洒淅惡寒神封主之 胃脇痞滿鬲逆不通呼吸

少氣喘息不得舉臂步郎主之 胃脇痞滿喘滿上氣

呼吸肩息不知食味氣戶主之 喉痺胃中暴逆先取

衝脉後取三里雲門皆瀉之 胃脇痞滿却引背痛卧

不得轉側胃鄉主之 傷憂悵思氣積中脘主之 胃

滿馬刀臂不得舉淵腋主之 大氣不得息息即胃脇

中痛實則其身盡寒虛則百節盡縱大包主之 胃中

暴滿不得眠

一云不得喘息

輒筋主之 胃脇痞滿瘕瘕引臍

腹痛短氣煩滿巨闕主之 腹中積氣結痛梁門主之

傷食脇下滿不能轉展反側目青而嘔期門主之

胃脇痞滿勞宮主之 多卧善唾胃滿腸鳴三間主之

胃滿不得息頭頷腫陽谷主之 胃脇脹腸鳴切痛

一云胃脅支滿腹中切痛

太白血主之

暴脹胃脇痞滿足寒大便難

面唇白時嘔血太衝主之

胃脇痞滿惡聞人聲與木

青巨虛上廉主之

胃脇痞滿寒如風吹狀俠谿主之

胃滿善太息胃中膨膨然

千金作胃脅急

丘墟主之

胃脇

痞滿頭痛項內寒外丘主之

脇下痞滿嘔吐逆陽陵

泉主之

邪在心膽及諸藏府發悲恐太息口苦不樂及驚

第五

黃帝問曰有口苦取陽陵泉口苦者病名為何何以得

之岐伯對曰病名曰膽痺夫膽者中精之府

素問無肝此句

者中之將也取決於膽咽為之使此人者數謀慮不決

膽氣上溢

素問下有虛字

而口為之苦治之以膽募俞在陰陽

十二官相使中

善怒而欲食言益少刺足太陰 怒而多言刺足少陰

太素作
少陽

短氣心痺悲怒逆氣怒狂易魚際主之心

痛善悲厥逆懸心如飢之狀心譫譫而驚大陵及間使

主之

心澹澹而善驚恐心悲內關主之

千金作
曲澤

善驚

悲不樂厥脛足下熱面盡熱渴行間主之 脾虛令人

病寒不樂好太息商丘主之 色蒼蒼然太息如將死

狀振寒洩白便難中封主之 心如懸哀而亂善恐噎

內腫心惕惕恐如人將捕之多漾出喘少氣吸吸不足

以息然谷主之 驚善悲不樂如墮墜汗不出面塵黑

病飲不欲食照海主之 膽眩寒厥手臂痛善驚忘言

面赤泣出腋門主之 大驚乳痛梁丘主之

邪在心則病心痛善悲時眩仆視有餘不足而調其俞

膽病者善太息口苦嘔宿水

靈樞作宿汁

心下澹澹善恐

如人將捕之噉中訶訶然數欬唾候在足少陽之本未

亦視其脉之陷下者灸之其寒熱者取陽陵泉 邪在

膽逆在胃膽液泄則口苦胃氣逆則嘔苦汁故曰嘔膽

取三里以下胃逆則刺足少陽血絡以閉膽逆調其虛

實以去其邪

脾受病發四肢不用第六

黃帝問曰脾病而四肢不用何也岐伯對曰四肢者皆稟氣於胃而不得至經必因脾乃得稟今脾病不能為胃行其津液四肢不得稟水穀氣氣日以衰脉道不通筋骨肌肉皆無氣以生故不用焉曰脾不主時何也曰脾者土也土者中央常以四時長四藏各十八日寄治不獨主時脾者土藏常著胃土之精也土者生萬物

而法天地故上下至頭足不得主時 曰脾與胃以募
相連耳而能為之行津液何也曰足太陰者三陰也其
脉貫胃屬脾絡嗑故太陰為之行氣於三陰陽明者表
也五藏六府之海也亦為之行氣於三陽藏府各因其
經而受氣於陽明故為胃行津液四肢不得稟水穀氣
氣日以衰陰道不利筋骨肌肉皆無氣以生故不用焉
身重骨痠不相知太白血之

脾胃大腸受病發腹脹滿腸中鳴短氣第七

邪在脾胃則病肌肉痛陽氣有餘陰氣不足則熱中善
饑陽氣不足陰氣有餘則寒中腸鳴腹痛陰陽俱有餘
若俱不足則有寒有熱皆調其三里 飲食不下鬲塞
不通邪在胃脘在上脘則抑而下之在下脘則散而去
之 胃病者腹膜脹胃脘當心而痛上痞兩脇高咽不
通飲食不下取三里 腹中雷一本作常鳴氣常衝胃喘不
能久立邪在大腸也刺育之原巨虛上廉三里 腹中
不便取三里盛則瀉之虛則補之 大腸病者腸中切

痛而鳴濯濯冬日重感於寒當臍而痛不能久立與胃

同候取巨虛上廉腹滿大便不利腹大上走胃噎

靈樞

下有喘息二字喝喝然取足少陽腹滿食不化嚮嚮然不得

大便取足太陽腹痛刺臍左右動脈已刺按之立已

不已刺氣衝按之立已腹暴痛滿按之不下取太陽

經絡血者則已又刺少陰

一本作少陽愈

去脊椎三寸傍五用

員利鍼刺已如食頃久立已必視其經之過於陽者數

刺之腹滿不能食刺脊中腹中氣脹引脊痛食飲

而身羸瘦名曰食飮先取脾俞後取季脇大腸轉氣
按之如覆杯熱引胃痛脾氣寒四肢不嗜食脾俞主之
胃中寒腹食多身體羸瘦腹中滿而鳴腹脹風厥胃
腸痞滿嘔吐脊急痛筋攣食不下胃俞主之頭痛食

不下腸鳴臚脹欲嘔時泄三焦俞主之腹滿臚脹大

便泄意舍主之臚脹水腫食飲不下多寒

千金作胃惡寒

倉主之寒中傷飽食飲不化五藏脹滿脹心腹胃脇
痞滿脹則生百病上脘主之腹脹不通寒中傷飽食

飲不化中脘主之 食飲不化入腹還出下脘主之

腸中常鳴時上衝心灸臍中 心滿氣逆陰都主之

大腸寒中

千金作疝

大便乾腹中切痛育輸主之 腹中盡

痛外陵主之 腸鳴相逐不可傾倒承滿主之 腹脹

善滿積氣關門主之 食飲不下腹中雷鳴大腸不節

小便赤黃陽綱主之 腹脹腸鳴氣上衝胃不能久立

腹中痛濯濯冬日重感於寒則泄當臍而痛腸胃間遊

氣切痛食不化不嗜食身腫

一本作重

俠臍急天樞主之

腹中有大熱不安腹有大氣如相俠暴腹脹滿瘕淫瀼
氣衝主之 腹滿痛不得息正卧屈一膝伸一股並刺
氣衝鍼上入三寸氣至寫之 寒氣腹滿瘕淫瀼身熱
腹中積聚疼痛衝門主之 腹中腸鳴盈盈然食不化
腸痛不得卧煩熱中不嗜食胃腸積滿喘息而衝鬲嘔
心痛及傷飽身黃疾骨羸瘦章門主之 腸鳴而痛溫
留主之 腸腹時寒腰痛不得卧手三里主之 腹中
有寒氣隱白主之 腹滿嚮嚮然不便心下有寒痛商

丘主之 腹中熱若寒腹善鳴強欠時內痛心悲氣逆
腹滿滿谷主之已刺外踝上氣不止腹脹而氣快然引
肘脇下皆主之 腹中氣脹噎噎不嗜食脇下滿陰陵
泉主之 喘少氣不足以息腹滿大便難時行走胷中
鳴脹滿口舌中吸吸善驚咽中痛不可內食善怒恐不
樂太鍾主之 噎乾腹痠痛坐卧目眈眈善怒多言復
溜主之 寒腹脹滿厲兌主之 腹大不嗜食衝陽主
之 厥氣上積太谿主之 大腸有熱腸鳴腹滿俠臍

痛食不化喘不能久立巨虛上廉主之 腸中寒脹滿
善噫聞食臭胃氣不足腸鳴腹滿泄食不化心下脹三
里主之 腹滿胃中有熱不嗜食懸鍾主之 大腸實
則腰脊痛痺寒轉筋頭眩痛虛則鼻衄癰疾腰痛澀澀
然汗出令人欲食而走承筋主之取腳下三折橫視臍
者出血

腎小腸受病發腹脹腰痛引脊少腹控臑第八
邪在腎則病骨痛陰痺陰痺者按之而不得腹脹腰痛

大便難肩背頸項強痛時眩取之湧泉崑崙視有血者
盡取之少腹控臑引腰脊上衝心肺邪在小腸也小
腸者連臑系屬於脊貫肝肺絡心系氣盛則厥逆上衝
腸胃燠肝肺散於胃結於臍故取育原以散之刺太陰
以予之取厥陰以下之取巨虛下廉以去之按其所過
之經以調之小腸病者少腹痛腰脊控臑而痛時窘
之後耳前熱若寒甚若獨肩上一熱甚及手小指次指間
熱若脉陷者此其候也

黃帝問曰有病脈者診右脈沉堅左手浮遲不知病生
安在岐伯對曰冬診之右脈固當沉堅此應四時左脈
浮遲此逆四時左當主病診左在腎頗在肺當腰痛

曰何以言之曰少陰脈貫腎絡肺今得肺脈腎為之病
故為腰痛

足太陽脈令人腰痛引項脊尻拊如腫狀刺其郄中太
陽正經去血春無見血

少陽令人腰痛如以鍼刺其皮中循循然不可俛仰不

可以左右顧刺少陽盛骨之端出血盛骨在膝下廉之骨獨起者夏無見血

陽明令人腰痛不可以顧顧如有見者善悲刺陽明於肝前三痛上下和之出血秋無見血

足少陰令人腰痛痛引脊內廉刺足少陰於內踝上二痛春無見血若出血太多虛不可復

厥陰之脉令人腰痛腰中如張弓弩弦刺厥陰之脉在臍踵魚腹之外循循累累然乃刺之其病令人善言默

默然不慧刺之三痛

解脉令人腰痛痛引肩目眈眈然時遺洩刺解脉在膝筋分肉間在却外廉之橫脉出血血變而止

同陰之脉令人腰痛腰如小錘居其中怫然腫刺同陰之脉在外踝上絕骨之端為三痛

解脉令人腰痛如裂

素問作引帶

常如折腰之狀善怒刺解

脉在却中結絡如黍米刺之血射以黑見赤血乃已

全元

起云有兩解脉病原各異疑誤未詳

陽維之脉令人腰痛痛上怫然腫刺陽維之脉脉與太陽合腠下間去地一尺所

衝絡之脉令人腰痛得俛不得仰仰則恐仆相之舉重傷腰衝絡絕傷惡血歸之刺之在却陽之筋間上却數寸衝居為二痛出血

會陰之脉令人腰痛痛上澹然汗出汗乾令人欲飲飲已欲走刺直陽之脉上三痛在蹻上却下三所橫居視

其盛者出血

素問澹然作溼然三所作五寸

飛陽之脉令人腰痛痛上怫然甚則悲以恐刺飛揚之脉在內踝上二寸

素問作五寸

少陰之前與陰維之會

昌陽之脉令人腰痛痛引膺目眩眩然甚則反折口卷不能言刺內筋為二痛在內踝上大筋後上踝一寸所

素問大筋作太陰

散脉令人腰痛而熱熱甚而煩腰下如有橫木居其中甚則遺洩刺散脉在膝前骨肉分間絡外廉束脉為三痛

肉里之脉令人腰痛不可以教教則筋孿刺肉里之脉
為二宥在太陽之外少陽絕骨之端

腰痛俠脊而痛至頭几几然目眈眈欲僵仆刺足太陽
却中出血 腰痛引少腹控眇不可以仰刺尻交者兩

踝腫上以月死生為宥數發鍼立已

素問云左取右取

腰

痛上寒取足太陽陽明痛上熱取足厥陰不可以俛仰
取足少陽中熱而喘取足少陰却中血絡腰痛上寒實
則脊急強長強主之 小腹痛控臑引腰脊疝痛上衝

心腰脊強溺黃赤口乾小腸俞主之 腰脊痛強引背
少腹俛仰難不得仰息脚痿重尻不舉溺赤腰以下至
足清不仁不可以坐起膀胱俞主之 腰痛不可以俛
仰中膂內俞主之 腰足痛而清善偃蹇跳拳上竅主
之 腰痛怏怏不可以俛仰腰以下至足不仁入脊腰
背寒次竅主之先取缺盆後取尾骶與八竅 腰痛大
便難飧泄腰尻中寒中竅主之 腰痛脊急脇中滿小
腹堅急志室主之 腰脊痛惡風少腹滿堅癢閉下重

不得小便胞肓主之 腰痛骶寒俛仰急難陰痛下重

不得小便秩邊主之 腰痛控臑小便及股卒俛不得

仰刺氣衝 腰痛不得轉側章門主之 腰痛不可以

久立俛仰京門及行間主之 腰痛少腹痛下竅主之

腎腰痛不可俛仰陰陵泉主之 腰痛少腹滿小便

不利如癰狀羸瘦意恐懼氣不足腰中怏怏太衝主之

腰痛少腹痛陰包主之 腰痛大便難湧泉主之

腰脊相引如解實則閉癰淒淒腰脊痛宛轉目循循嗜

卧口中熱虛則腰痛寒厥煩心悶大鍾主之 腰痛引

脊內廉復溜主之春無見血若太多虛不可復是前足少陰痛也 腰痛不能舉足少坐若下車躓地脛中矯矯然申脉主之 腰痛如小錘居其中怫然腫痛不可以欬欬則筋縮急諸節痛上下無常寒熱陽輔主之

腰痛不可舉足跟中踝後痛脚痿僕參主之 腰痛俠

脊至頭几几然目眈眈委中主之

是前刺足太陽
郄中出血者

腰

痛得俛不得仰仰則恐仆得之舉重惡血歸之殷門主

之是前衝絡之

脉腰痛者

腰脊痛尻脊股臀陰寒大痛虛則血

動實則并熱痛痔痛尻腫中腫大便直出扶承主之

三焦膀胱受病發少腹腫不得小便第九

小腹腫痛不得小便邪在三焦約取之足太陽大絡視其結絡脉與厥陰小結絡而血者腫上及胃脘取三里三焦病者腹脹氣滿少腹尤甚堅不得小便窘急溢則為水留則為脹候在足太陽之外大絡絡在太陽少陽之間亦見於脉取委中

膀胱病在少腹偏腫而痛以手按之則欲小便而不得

眉

一本作肩

上熱若脉陷及足小指外側及脛踝後皆熱者

取委中

病在少腹痛不得大小便病名曰疝得寒則

少腹脹兩股間冷刺腰髀間刺而多之盡炁病已少

腹滿大上走胃至心索索然身時寒熱小便不利取足

厥陰

胞轉不得溺少腹滿關元主之 小便難水脹滿出少

胞轉不得溺曲骨主之 少腹脹急小便不利厥氣上

頭巔漏谷主之 溺難痛白濁卒疝少腹腫欬逆嘔吐
卒陰跳腰痛不可以俛仰面黑熱腹中脹滿身熱厥痛
行間主之 少腹中滿熱閉不得溺足五里主之 少
腹中滿一本作痛小便不利湧泉主之 筋急身熱少腹堅
腫時滿小便難尻股寒髀樞痛引季脇內控八竅委中
主之 陰胞有寒小便不利扶承主之

三焦約內閉發不得大小便第十

內閉不得溲刺足少陰太陽與臍上以長鍼氣迎取其

太陰陽明 厥甚取太陰陽明動者之經 三焦約大
小便不通水道主之 大便難中渚及太白主之 大
便難大鍾主之

足厥陰脉動喜怒不時發癰疽遺溺瘰癧第十一

黃帝問曰刺節言去衣者刺關節之支絡者願聞其詳
岐伯對曰腰脊者人之關節股肱者人之趨翔莖聾者
身中之機陰津之候津液之道路也故飲食不節喜怒
不時津液內流而下溢於聾水道不通是休息俛仰

不便趨翔不能榮然有水不上不下錐石所取形不可
匿囊不可蔽名曰去衣 曰有瘡者一日數十洩此不
足也身熱如炭頸膺如格人迎躁盛喘息氣逆此有餘
也素問下有陽氣大盛於外一句陰氣不足則太陰脉細如髮者此不
足者也其病安在曰病在太陰其盛在胃頗在肺病名
曰厥死不治此得五有餘二不足 曰何謂五有餘二
不足曰所謂五有餘者病之氣有餘也二不足者亦病
氣之不足也今外得五有餘內得二不足此其不表不

裏亦死証明矣

狐疝驚悸少氣巨缺主之 陰疝引辜陰交主之 少
腹痛溺難陰下縱橫骨主之 少腹疝卧善驚氣海主
之 暴疝少腹大熱關元主之 陰疝氣疝天樞主之
癰疝大巨及地機中郄主之 陰疝痿莖中痛兩丸
騫卧不可仰卧刺氣衝主之 陰疝衝門主之 男子
陰疝兩丸上下小腹痛五樞主之 陰股內痛氣癰狐
疝走上下引少腹痛不可俛仰上下商丘主之 狐疝

太衝主之 陰跳遺溺小便難而痛陰上下入腹中寒
疝陰挺出偏大腫腹臍痛腹中悒悒不樂大敦主之

腹痛上搶心心下滿癰莖中痛怒膜不欲視泣出長太

息行間主之 癰疝陰暴痛中封主之

千金云癰疝陰
暴痛痿厥身體

不仁 疝癰臍少腹引痛腰中痛中封主之 氣痛癰小

便黃氣滿塞虛則遺溺身時寒熱吐逆溺難腹滿石門

主之 氣癰癰疝陰急股樞臑內廉痛交信主之 陰

跳腰痛實則挺長寒熱攣陰暴痛遺溺偏大虛則暴癰

氣逆腫臑卒疝小便不利如癰狀數噫恐悸氣不足腹
中悵悵少腹痛噎中有熱如有瘕肉狀如著欲出持攣
不可俛仰蠱溝主之 丈夫癰疝陰跳痛引篡中不得
溺腹中支脇下痞滿閉癰陰痿後時泄四肢不收實則
身疼痛汗不出目眈眈然無所見怒欲殺人暴痛引髓
下節時有熱氣筋攣膝痛不可屈伸狂如新發衄不食
喘呼少腹痛引噫足厥痛湧泉主之 癰疝然谷主之
卒疝少腹痛照海主之病在左取右右取左立已

疝四肢淫灤身悶至陰主之 遺溺關門及神門委中

主之 胃滿膨膨然實則癰閉腋下腫虛則遺溺脚急

兢兢然筋急痛不得大小便腰痛引腹不得俛仰委陽

主之 癰中窳主之 氣癰溺黃關元及陰陵泉主之

千金云寒熱不節
腎病不可以俛仰 氣癰小便黃氣滿虛則遺溺石門

主之 癰遺溺鼠鼷痛小便難而白期門主之 小便

難竅中熱實則腹皮痛虛則癢搔會陰主之 小腸有

熱溺赤黃中脘主之 溺黃下廉主之 小便黃赤完

骨主之 小便黃腸鳴相逐上廉主之 勞瘵小便赤
難前谷主之

足太陽脉動發下部痔脫肛第十二

痔痛攢竹主之 痔會陰主之 凡痔與陰相通者死陰
中諸病前後相引痛不得大小便皆主之 痔骨蝕商
丘主之 痔篡痛飛揚委中及扶承主之 痔篡痛承
筋主之 脫肛下刺氣衝主之

鍼灸甲乙經卷九